### Dissertatio inauguralis medico-practica de exanthematibus non contagiosis ... / submittit Franciscus Steininger.

#### **Contributors**

Steininger, Franz. Universität Wien. Royal College of Surgeons of England

#### **Publication/Creation**

Vindobonae : Ex Typographia Ignatii Grund, 1784.

#### **Persistent URL**

https://wellcomecollection.org/works/fv8tpz85

#### **Provider**

Royal College of Surgeons

#### License and attribution

This material has been provided by This material has been provided by The Royal College of Surgeons of England. The original may be consulted at The Royal College of Surgeons of England. Where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org And Ljoots

Soft thatide

No ben 17 8h

mons i Egine Info med

Rolling



## DISSERTATIO

INAVGVRALIS MEDICO PRACTICA

DE

EXANTHEMATIBUS NON CONTAGIOSIS,

eVAM

ANNVENTE INCLYTA

## FACVLTATE MEDICA

IN

ANTIQUISSIMA AC CELEBERRIMA

## VNIVERSITATE VIENNENSI


PRO DOCTORATUS LAUREA SUMMISQUE IN MEDICINA HONORIBUS AC PRIVILEGIIS LEGITIME CONSEQUENDIS.


PVBLICAE DISQVISITIONI SVBMITTIT

FRANCISCUS STEININGER,

Disputabitur in Vniversitatis palatio
Hora J Die Mensis Augusti.
Anno MDCCLXXXIV.

VINDOBONAE, EX TYPOGRAPHIA IGNATII GRVND, IN AVLA S. CRYCIS.





## MILIARIA.

unt exanthemata cutis phlyctenoidea, milii seminum magnitudinem habentia.

Febris miliaris eodem modo se habet, ac alia quaecunque febris, hinc auctores practici eam dinisere in febrem miliarem benignam et in malignam, et cum persaepe etiam in hominibus omni febre carentibus miliaria obsernentur, hinc etiam in febrilia diuisa sunt. Solent praeterea illa diuidere ratione humoris contenti in miliaria alba et rubra; in crystallina, quae paruas gemmas aut guttas crystallinas aemulantur; purulenta, lastea, si humor contentus pus aut lac aemmuletur. Habetur et alia quaedam divisio a tempotempore et loco in epidemica et endemica; quae endemica observantur in locis depressis, paludosis, in corporibus debilibus, laxis, pastaceis, et ubi morbi lymphatici, pituitosi plus aequo grassantur.

Ad formas morborum etiam hoc pertinet, videlicet non posse ex notis aeris et atmospherae qualitatibus repeti, quare ea ipfissima febris hoc anno hanc habeat formam peculiarem, alio anno aliam, & quare etiam hoc anno aliam quoque corporis partem infestet praeprimis; hoc certe a manifestis aeris qualitatibus repeti vix potest, et univerfim hujus variantis formae caufa in eadem febre dinersis annis ignota est et procul dubio femper erit. Non quilibet homo obnoxius est miliaribus, sed illa potissimum corpora; quae exhausta funt longis aliis morbis, venere, studiis nimiis, etiam corpora talia, quae magnam humorum jacturam, praecipue fanquinis enacuationes nimias passa funt per venaesectiones intempestinas, vel alia quacunque ratione; Homines sedentarii plus infestantur miliaribus, quam robusti et exercitati, dein et debiles foeminae et inter foeminas chloroticae potius prae robustis et sanquineis; universim subjacent pituitosi, pastacei et illi, qui victu crudo, farinaceo, pauperrimo utuntur.

Ipfa febris, quae miliaria fibi juncta habet, non semper est una eademque, sic si febris biliofa mala methodo tractetur, alexipharmaca, stimulante, si materia biliosa et faburalis vi et stimulis variis adigatur in secundas vias et ulteriores, dum urgetur nonnunquam ad superficiem cutis, et ibi partim diflatur cum sudoribus, partim ejus crassior pars in extremis vasculis haeret, et comparet in superficie corporis forma exanthematis miliaris. Febres ergo biliofae curatae mala methodo alexipharmaca nonnunquam miliaria faciunt, et ut plurimum rubra prae aliis. Etiam methodus mere antiphlogistica febri biliofae aplicata non raro miliaria facit, si nempe potus mere antiphlogistici dentur, enacuatio aluina aut gastrica prohibeatur, hujusque loco potius venaesectiones in usum vocentur, dum sabura non quidem vi adigitur in fecundas vias, fed enacuato fystemate sanguineo diluta materia saburalis in massam humorum circulantium resorbebitur, circulabit etiam per totum corpus, et subin deponetur ad superficiem corporis forma miliarium; hinc febris biliofa male tractata, nem-

pe methodo mere antiphlogistica, aut methodo recte opposita alexipharmaca subinde degenerat in febrem miliarem ratione prius dicta. Quod si autem febris biliosa subjicietur fuae methodo antibiliofae, materiam dilutam aptamque redditam per superiora vel inferiora pro exigentia rei euacuemus, dum miliaria vix errumpent, cum hac ratione pabulum fubducatur miliaribus alias gignendis Interim tamen, utut febris biliofa aptum. male curata abeat nonnunquam in miliaria, alia tamen febris est, quae subin miliarium erruptionem sibi junctam habet, febris nempe sic dicta lenta neruosa Huxhami, quae et saepissime miliaribus stipatur. Haec febris lenta neruosa residere videtur potius in systemate lymphatico quam in fystemate sanquineo. Fuere jam aliqui, qui initio hujus faeculi febrem hanc miliarem, ubi miliaria crystalina erumpunt, appellarunt febrem lymphaticam.

Dicendum jam de erruptione miliarium, quae incerto die fit, non die, fic ut in variolis, morbillis statuto, haec errumpere omni die cum aut fine leuamine possunt, immo pejeratione morbi. Nonnunquam noua miliaria sucedunt, priora desquammantur, non-

nun-

nunquam retrocedunt intra paucas horas vel ex parte vel ex toto. Mirabilis est illa subito miliarium retrocessio, quae nunquam aut vix unquam sine certo et subitaneo morte sit. Prorumpunt ergo haec incerta die, modo cum, modo sine leuamine, modo pro una vice omnes prodeunt, nunc per vices prioribus desquammatis sit miliarium nouorum successio, nunc perstant multis diebus, nunc lente, nunc subito disparent. Possent ea propter miliaria rursus dispesci in critica et symptomatica, magnus enim est error illorum, qui vel omnia miliaria pro symptomaticis habent, aut omnia pro criticis.

Falsum quoque est asserere, miliaria omnia esse factitia, cum et illa nonnunquam morbo optime tractato appareant,

An contagiosa sint, nec ne? multum quaesitum est: Hac ratione uti lues, variolae,
morbili, scabies contagiosa certe non sunt,
cum inoculatione propagari non possint. Videmus quidem, quod certa quadam tempestate plures eodem morbo decumbant, verum
tamen hoc est solummodo epidemicum, quod
a contagioso discriminari debet, nam in epidemia communis quaedam causa agit in omnes,

hinc et plures ab eodem morbo afficiuuntur, cum omnes ex eodem fonte bibant, omnes eadem atmosphera vescantur.

Erruptionem milliarium praecedit oppressio quaedam thoracis continua, catarhosa quaedam conditio et tussis talis catarhosa, quae jam ipso anditu percipitur esse catarhofam potius quam peripneumonicam tuffim. Inexperti continuam hanc thoracis oppressionem cum tusti catarrhosa confundunt, sed videtur peripneumonia notha, ab infarctis nempe vasis lymphaticis pulmonum. Soluitur tunc et tussis et oppressio haec thoracis oborto sudore largo peculiaris odoris, quasi aceti vapidi, quem sudorem excipit exanthema miliare, dumque cessat et tussis et oppressio illa thoracis aut ex toto, aut saltem mitigatur insigniter, ergo inter symptomata peculiaria febris miliaris haec tuffis catarhofa et symptomata peripneumoniae spuriae pertinent. Aliud quoque obseruatur symptoma, urinae nempe aquosae, crudae, non coctae, pulsus naturali vix celerior, artuum dolor quasi rheumaticus, ita ut inexperti ab initio credant, se solum curare febrem rheumaticam, donec oppressio thoracis major fiat, tussis sequatur cum sudore et exanthemate.

Nou

Non quamuis partem ex aequo occupant haec miliaria, sed praeprimis collum, dum clauiculas, sternum, latera, abdomen, faciem non. Illustrissimi Viri Max. de Stoll obferuationibus quoque constitit, quod sæminae, quo delicatiores sint, et viri quoque quo delicatiores, homines quo magis debiles et sedentarii, eo facilius ab his corripiuntur, sed et facilius euadunt; Pessime mulctantur viri robusti et exercitati, licet hi rarius ab illo corripiantur, sed correpti vix non semper moriuntur.

Periculosissima est complicatio sebris miliaris cum sebre inflammatoria, quod sunestae observationes docuere. Putabant quidam authores miliaria insectis deberi, sed hoc rationi nimis contrarium videtur, quam quod resutari mereatur, plerumque sunt tales domesticae et intrinsecae causae, ut ad insecta cutanea recurrere opus non sit.

Quaeritur jam, quosnam canones practicos observare debeamus in cura sebris miliaris? Sint sequentes: I. Remediorum omnium
ea habenda est ratio, prout nempe ipsa sebris exigit sine respectu habito ad miliaria
vel absentia vel praesentia, et danda sunt aut

spissantia, stimulantia, antiphlogistica aut etiam sudorifera, si febris praesens illa requirat. II. Etsi miliaria subin critica funt, tamen vi nunquam funt expellenda, non enim constat praecedenter de materia ad faciendam miliarem erruptionem apta, nec constat an omnis materia a superficie corporis excipi queat; possumus quidem vomitum et aluum vi et arte excitare, immo non semper opus est exspectare, donec ipsa natura hanc excretionem moliatur, sudores autem nunquam praeoccupare debemus, ortos folummodo adjuuare, nam licet sudor saepe criticus sit, tamen a priori non certo nobis constat, dato fudorifero materiam morbificam per fudores posse euacuari, nulla enim certa habemus figna de materia morbifica ad fuperficiem corporis turgente, habemus autem figna materiae fursum, decosumue turgentis, uti funt: amaror oris, naufea, plenitudo, ructus, flatus, et plurima alia, hinc hifce fignis praesentibus non opus est exspectare, donec natura hoc faciat, sed quamprimum sciuero, adesse borborigmos, leuem per vices diarrhaeam, flatus fœtidiffimos, leuem subinde dolorem colicum, pondus abdominis, dolorem lumborum etc. dum hisce signis praesentibus non exfpectato naturae judicio crisim faciam

faciam dato purgante. Ast alia longe res est de sudore, nam etsi sciam sudores criticos esse, quis medicorum tamen signa noscit, materiae turgentis, et ad superficiem dispositae. Enumerantur quidem ab aliquibus signa, quibus praesentibus sudorem instare conjicere deberemus, sed sedulo attendenti non dissicile erit observare, haec signa admodum inconstantia, dubia, insida esse.

Omnia haec modo dicta etiam adplicari ad miliaria possunt, nam etsi superuenientium miliarium quaedam signa habeamus, tamen non ausim dare remedia, quae miliaria expelerent, sors enim materia nondum est ad exitum parata, sors nondum est ita subacta, ut a superficie corporis excipi queat; Vniuersim in omnibus his exanthematibus, miliaribus, petechiis, scarlatina, erysipelate methodus omnis solum ad ipsam sebrem dirigenda est, non autem ad exanthema praesens.

III. Venaesectio per se ut plurimum nocet, nisi is casus sit, ubi sebris inslammatoria simul jungatur, quales sebres miliares cum inslammatione non adeo raro ocurrunt. Praeter venaesectionem etiam cortex per se no-

cet, nisi febris talis sit, quae cortice indigeat, idem et de alexipharmacis, acidis mineralibus, opio, camphora etc. dicendum. Prodest potius infusum florum arnicae, quum flores arnicae remedium efficacissimum, penetrantissimum, foluentissimum, non solum in systema sanguineum, sed et in lymphaticum agens, fint. Prodest etiam infusum radicis valerianae fylvestris, quod quoque dum eo melius connenit, si aegri, qui febre lenta, neruosa tentantur, simul conuulsionibus obnoxii funt; Moschus et castoreum dum maxime prodest, quando tremores, conuulsiones, subsultus tendinum adsunt etc. Interim femper notandum est, dum conuenire stimulantia, tunc antiphlogistica, tunc venaesectiones, tunc vesicans, quando hac vel illa febris juncta hanc vel illam methodum exigit,

Authores qui de milliaribus scripserunt, sunt: Illustris. L. B. de Störk, Celeb. Collin, Haen, Allonius, Huxham, Linaeus, Salzmann, Strakius, Hamilton, Mollinari, Bellius, Stik, Muchart etc.

# PETECHIAE.

Petechiae funt maculae coloris varii, plerumque autem rubri. Vocantur maculae, quia vifu potius quam tactu cognosci possunt; Morsus pulicum sat aemulantur.

Figura harum petechiarum valde diuersa est, et ut plurimum circularis, licet non raro et angulares occurrant. Petechiae folent etiam dividi imprimis ratione magnitudinis in lenticulares, quae cœteris multo funt frequentiores, sed simul minus periculosae ac aliae petechiarum species, hac quoque lenticulares petechiae paulo difficilius a morfu pulicum dignoscuntur. Dantur pariter petechiae diffusae, petechiae magnae, non lenticulares; circumscriptae dicuntur, quando habentur internalla, interstitia quaedam a petechiis libera, secus si sint, vocantur confu-Sae; Ratione coloris diniduntur in laete roseas, in intense rubras, in purpureas, plumbeas, nigras; non infrequenter etiam occurrit quadam petechiarum morbilosarum species, quae ex similitudine cum morbilis petechiae morbilosae nuncupantur.

Sedes petechiarum est superficies corporis externa. Testimonio enim doctiffimorum et fide dignissimorum virorum constat, eas visas esle in corde ipso, in pulmonum superficie, in pleura, intestinis, et vix est locus, vix aliqua occurrit superficies interna, quae non aliquando petechiis obsita visa fuerit. Saepius collum, pectus, brachia, venter, fæmora, crura ab his obsidentur, sed copiosiores fuere in iis partibus obseruatae, quae alias solent obtegi, uti in thorace, scapulis, ventre, dorso. Locantur in ipsa cute, in tella cellulosa, et penetrant nonnunquam pessimae petechiae subjectam pinquedinem. Fernelius, Dimerbrechius immo in musculis et in ipso adeo periostio petechias viderunt.

Id etiam in petechiis obsernatur, quod si macula petechialis paulo major discindatur, dum sanquis profluit ac ex loco sugillato discisso, ita ut quaelibet macula petechialis possit considerari tanquam leuis quaedam sufusio, tanquam vera sugilatio; pessimae autem petechiae sunt considerandae tanquam totidem plagae gangraenosae exiguae, tanquam maculae pestilentiales.

Petechiae pariter alia ratione solent diuidi dinisione petita ex ipsa sebre aut praesente, aut absente, dantur enim petechiae sebriles, quales plurimae sunt, sed dantur etiam non febriles, quales etiam non raro apparent; Dantur ergo et petechiae chronicae, quae multis saepe septimanis et mensibus perstant, quales et in scorbuticis obseruantur.

Videndum jam est, qualem prognosim maculae petechiales suppeditent: Petechiae lenticulares raro sunt periculosae. Sic obferuante Illust, de Stoll in Hungaria integra epidemia regnauit petechiis lenticularibus existentibus, sed in toto magno districtu unica solum vetula moriebatur, omnes reliqui conualuere absque ullo remedio vel uno solum emetico dato. Etiam hoc observauit Integerrimus Vir, sebrem petechialem, quae petechias lenticulares habet, semper esse billiosam, aut vix non semper billiosam, aut billiosam simplicem, aut illam speciem sebris putridae, quae saburralis observatoribus vocatur.

Petechiae methodum medendi nullam suppeditant, et universim a petechiis nullam

lam desumimus indicationem, prouti diximus de miliaribus, ita etiam eadem regula obtinet quoad petechias, videlicet in methodo medendi petechias nunquam esse respiciendas. Non damus remedia, quae faciune petechias prorumpere, nec etiam, quae petechias praesentes intropellant, petechiae ergo perparum ad curam, sed multo plus ad prognosim conferre possunt, scilicet illa febris, quae lenticulares petechias habet, minus lethalis et facilius curatu scitur, cum fit aut billiofa simplex per fe non periculofa, aut putridae saburalis species, quae putrida faburalis inter reliquas febrium putridarum fpecies est multo curabilior; Quod fi autem videamus petechias morbilofas, eas pejores dicimus, cum his praesentibus morbus soleat esse tardior et difficilior curatu. immo et periculofior; Petechiae profunde rubrae funt valde periculofae, nisi fint petechiae scorbuticae, quae etiam funt profunde rubrae, attamen non periculofae, Morbus est valde periculosus et fere lethalis, fi fint nigrae, magnae, nam tum plerumque certa mors instat; Petechiae virescentes certe lethales funt; Alia species petechiarum etiam pessima est, quae vix non semper oceidit, scilicet fi funt petechiae cinereae ita,

25 \$ 45

ut totum corpus sit variegatum marmoris instar, et tales petechiae raro non lethales sunt.

Solae tamen petechiae vix unquam ad bonam prognosim faciendam fola sufficiunt, fed femper etiam alia potiora fymptomata fimul confideranda funt. Symptomata autem, quae malam prognosim faciunt, funt haemorrhagia: petechiae cum haemorrhagia funt fere femper lethales, praecipue cum haemorrhagia vesicae urinariae; Petechiae cum vibicibus etiam valde periculofae, fic aegrotantes aliquando mox acquirunt vibices in foemore, in tibia; Si una cum petechiis fimul adfit facilis locorum cubando pressorum gangraenescentia, dum satis certo moriuntur, Sic fi V. g. retinerentur in lecto; dum illa loca premuntur, et si tunc intra aliquot horas gangraenescant, aegroti certo pereunt, veteres enim jam obseruarunt, pessimum prognosticum signum esse petechias cum locorum cubando pressorum facili gangraenescentia; - Petechise cum meteorisino malae, et semper ferme lethales. - - Nonnunquam petechiae et a morte primum apparent.

Magna quaestio orta est de petechiis criticis, Forestus, Fracastorius, Dimerbre-KIUS, quin et ipfe Sydenham adferit petechias criticas aut lenantes fuisse in febre petillentiali, sed in aliis febribus ipse Sydenham petechias confideranit ut plerique alii authores solum symptomaticas, non autem criticas; Vninersim videntur petechiae aut nunquam criticae effe, aut vix unquam, excepta forte febre pestilentiali. Interim tempora fuere, praeterrito praeprimis faeculo, ubi petechiae habebantur ferme semper criticae, fed modo non amplins. Hace opinio de petechiis criticis aut induxit, aut fustentauit pessimam illam methodum alexipharmacam, regimen illud calidum nostris temporibus feliciter proscriptum, et a Sy-DENHAMO toties damnatum.

Quaeritur an petechiae sint nouus morbus, et an hic morbus sit peculiaris, sui generis et specificus. Petechiae ab antiquis jam descriptae leguntur, et idem serre obtiner de petechiis, quod de milliaribus, maculae enim morsum pulicum referentes jam ab Hypocrate memoratae sunt, et universum apud antiquos seriptores leguntur loca indubitata de petechiis, ut hinc dubium esse non pos-

At; Pothechiae autem morbum contagiofum, morbum peculiarem uti variolae, morbili, &c. non constituunt, sed illa febris petechialis plerumque aut est febris billiofa, ant putrida saburalis, aut nonnunquam etiam febris lenta neruosa, febris pituitosa, verminosane, nonnunguam autem est quaedam peculiaris, non nominanda, anonima humorum corruptella et sanguinis dissolutio, qualis in scorbuticis observari solet; Vniversim obsernatum eft, febrem petechiis stipatam nullatenus esse unam eandemque, sed modo hanc, modo aliam. Nonnunquam petechiae junguntur febribus intermittentibus, et anno 1776 et 77 intermittentes quaedam tertianae observatae funt petechiis lenticularibus stipatae, ut idcirco febris petechialis nulla fit specifica et sui generis febris.

Canones in euranda febre petechiis stipata sunt sequentes: Methodus medendi solumodo desumenda est ex natura febris nullo respectu habito ad maculas petechiales, hinc si sit febris naturae billiosae, lentae neruosae, indicationes desumendae sunt ex natura febris illius oblatae. \* \* \*

# SCARLATINA.

Scarlatina sunt maculae petechiis majores panum scarlatinum aemulantes, subinde profunde rubrae, subinde totum brachium depingunt. Distinquntur a morbillis 1.
quod in morbilis major sit asperitas 2. Scarlatinae ab initio quidem discretae sunt, sed
dein confluunt 3. quoad tempus eruptionis,
nam sebris morbilosa est febris specifica et
hinc symptomata propria habet, morbilli
quoque statuta die errumpunt, secus autem
scarlatina. 4. Ruber scarlatinae color attactu
albescit. 5. Scarlatinae decidunt per modum
surfuris et subinde integra frusta de epidermide cadunt, morbilli autem alliquid farinae instar desquamant.

Scarlatinae graffantur tempore verno et autumnæli praecipue et febrem non specificam faciunt, nam scarlatina modo billiosam, modo pituitosam, modo subinslammatoriam, modo sebrem varie complicatam comittantur.

Methodus medendi determinatur folumodo ex natura febris praesentis. — — Scarlatina modo cum, modo ctiam sine sebre adest, adest, modo periculi expers, modo valde periculosa; Quandoque occidere visum est angina maligna ad asperam arteriam. — In adultis est magis inslammatoria quam in pueris, et si occidit, occidit angina plerumque maligna, angina gangraenosa; Etiam in statu conualescentiae occidere potest hydrope et leucophlegmatia. — —

### VRTICA ET ERYSIPELAS.

Vrtica est exanthema quasi ortum ab urtica urente partim slauum, partim rupe-scens circa anum. — Aestate utplurimum observatur et est modificatio billiosae sebris; Jungitur etiam intermittenti autumnali billiosae indolis, et ut plurimum tertianae. Inter omnia exanthemata est innocentissimum et vix unquam mali moris.

Erysipellas quibusdam annorum constitutionibus multum grassatur, et est dissusa elataque aliquantum rubedo, splendens, urens, ad tactum digiti euanescens et albescens, plerumque instar surfurum desquamans.

Dividitur in febrile et non febrile, (liset fine omni sebre raro compareat) praeterea phlegmonodes, oedemadotes etc. Erysipellas habet sebrem ut plurimum billiosam, saburralem junctam, et oritur saepe post iram, post terrorem, post acria assumpta etc. Saburra est acrior quam in alia sebre billiosa, hinc etiam sanquis inslamatur, et oritur erysipellas; Haec quoque ratio est, cur hoc praesente saepe sanguinem mittere debeamus et antiphlogistica vix non per totum morbi decursum adhibere. — Multum quidem disserepant practici de sanquinis missione, sed illa ex cognita sebre praesente determinanda; Si enim adsit saburra, dum non faciemus venaesectionem sed illam oppugnahimus.

Erysipellas et exanthema urticatum eadem anni constitutione grassantur, aestate nempe adulta et autumno, ubi per diem magna
perspiratio, ad vesperam autem obortum frigus perspirationem inhibet, quod perspirabile suppressum, delatum ad primas vias aut
producet aut augebit saburam, delatum autem ad membranas faciet rheuma, si vero
pars deserratur in primas vias, pars ad supersiciem, dum saepe cum saburra siet exauthema. Saburra in hoc casu eliminari debet
tamarindis, cassa, manna etc. vitium topicum

cam exanthematicum autem leniter diaphore...
ticis. — Morbi paucissimi sunt, qui specisicantur a causa excitante, quia haec facit diuersos morbos, nam eadem perspiratio suppressa facit erysipellas, urticam, dyssenteriam, rheuma etc. Morbi solum contagiosi
specificantur a causa excitante exemplo luis,
scabiei, variolarum etc.

Perspiratio impedita per frigus, per unquinosa aplicata, plerumque in hominibus tenerioribus, irritabilioribus erysipellas sine sebre producens prouocari potest leniter diaphoreticis, cœterum autem cura pro ratione febris et symptomatum variat, sic saburta sursum turgente emeticum, turgente deorsum purgans detur; in erysipelate gangronoso cortex et antiseptica conueniunt; in erysipellade phlegmonode cataplasmata emollientia, subinde etiam topica discutientia, calesacientia, fambuciua, farinacea etc.

TANTUM.



## THESES.

I.

Habentur exanthemata contagiofa et non con-

II.

Febris milliaris, petechialis, eryfipelatofa, scarlatinosa, urtica specifica non sunt.

III.

Dantur milliaria fymptomatica et critica.

IIII.

Solumodo morbi contagioli specificantur a cau-

V.

Non omnia, sed pleraque solum venena respe-

VI.

Venena respectiua aeque medicamentosa esse possunt, uti medicamenta respective venenata.

VII.

Anni tempora in curandis morbis optime at-

VIII.

An ad enitanda a cadaueribus noxis illa folum extra pomoeria humare sufficit?

IX.

Febres laruatae, quae sub schemate periculosi symptomatis ingrediuntur, cortice magna dosi et cito propinata oppugnari debent.

X.

Si autem sub larua leuioris, non periculosi morbi lateant, methodo ordinaria tractentur.

XI.

Febris puerperarum naturam epidemiae regnan-